

G20 Akatu!! David eta besteak askatu!

ASKAPENA :: 21/09/2017

Gaurkoan hemen bildu garen eragileok prentsaurreko honen bitartez, dei egin nahi diegu Euskal Herriarrei David eta besteen askatasunaren alde eta G20aren kontra mobilizatzeraz.

Azken hilabeteetan, G20aren kontrako mobilizazioetan atxilotu zituzten lagunak epaitegietatik pasatzen hari dira. Batzuei kartzela zigorra ezarri diete, beste batzuk berriz, kalean geratu dira. Datorren astean ordea, irailaren 25ean David bilbotarraren txanda izango da. Haien sententziek diotenaren gainetik, atxilotuta guzti hauek, G20aren kontestuan sistema kapitalista heteropatriarkarraren baitan erabakiak hartzen dituztenen aurrean altxatu zirenen kontrako sorgin eiza dela pentsatzen dugu. Modu horretan, ulertzen dugu, egun haietan bizi izan zen tentsio eta probokazio etengabea ikusirik, onartezina dela prosezuz luze hau. Zoritzarrez, guzti honen pairatzaile izan da David bilbotarra. Eta gaur da eguna, oraindik ere ekilibristaren sokaren gainean aurkitzen da, Hamburgoko kartzelan, bere gertukoengandik urrun. Zalantzarik egin gabe, atxilotutako kide guztien askatasuna exigitzen dugu. David eta besteak askatu!

Hala ere, G20ak ekarriko dituen ondorioak, prosezuz judizial, kartzela eta karga polizialeetatik haratago joango direla ondotxo dakigu. Hamburgon hartutako erabakiek, gure bizitza baldintzatuko dute arlo guztietan ez bairik gabe, eta zentzu horretan, ezinbestekoa zaigu honen aurrean tinko hortzak erakutsi eta haiek ezarri nahi duten bizi eredu salatzea. Horregatik salatzen dugu G20a, horregatik joan ginen Hamburgora, eta horregatik borrokatuko dugu hainbeste baldintzatu nahi gaituen sistema hiltzaile honen aurka. Ez baitago beste jendarte eredu bat eraikitzerik, zapalkuntzan oinarrituta dagoen sistema baten baitan. Horregatik ozen ohiukatzen dugu: G20 Akatu!

Guzti hau kontuan hartuta, dei egin nahi diegu Bilboko eta Euskal Herriko herriarrei G20aren kontra eta David eta gainontzeko guztien askatasunaren alde gurekin batera, Bilbon, Irailaren 22an, ostiralez, 19:30etatik aurrera Arriagatik hasita manifestatzeraz.

G20 akatu! David eta besteak askatu!
Jo ta ke irabazi arte!

https://www.lahaine.org/mm_ss_est_esp.php/g20-akatu-david-eta-besteak-1